

# Hestamannafélagið Sprettur

Stjórnarfundur, þriðjudaginn 27. maí 2014 á Kjóavöllum.

## 9. fundur

Fundur hófst kl. 18:15

Mættir: Linda Gunnlaugsdóttir, Hannes Hjartarson, Brynja Viðarsdóttir, Sigurður Halldórsson, Kristín Njálisdóttir og Lárus Finnbogason. Einnig sat fundinn Magnús Benediktsson framkv.stjóri félagsins. Hermann Vilmundarson boðaði forföll.

1. Fundargerð síðasta fundar samþykkt.
2. Farið yfir verkefnalistann og hann uppfærður. Búið að ganga frá rekstrarleyfi fyrir veislusal reiðhallarinnar og umsókn um vínveitingaleyfi er í ferli. Lyklakerfið að höllinni er ekki komið í gagnið þar sem ennþá er verið að vinna að tæknilegum lausnum miðað við þarfir félagsins. Höllin hefur því verið opin og frjálst aðgangur félagsmanna að henni. Ákveðið að setja tilkynningu inn á vefinn þess efnis. Önnur smærri verkefni frágengin og ný sett inn á listann.
3. Staða verkefna framkv.stjóra. Magnús Benediktsson fór yfir verkefnalista sinn og gerði stjórn grein fyrir stöðu og framgang þeirra verkefna sem hann hefur haft umsjón með.
4. Fjármál félagsins. Gjaldkeri gerði grein fyrir stöðu fjármála félagsins.
5. Aðalfundir fasteignafélagsins og rekstrarfélagsins. Gjaldkeri gerði grein fyrir að frágangur á ársreikningum félaganna væri í vinnslu þannig að bráðlega verður hægt að halda aðalfundi félaganna. Stjórn hafði áður samþykkt að tilnefna Lindu, Hermann og Lárus í stjórnir félaganna en samþykkir nú þá breytingu að í stað Lárusar þá er Sigurður Halldórsson tilnefndur í stjórnirnar ásamt með Lindu og Hermanni.
6. Gæðingamótið nk. helgi. Rætt almennt um framkvæmdina. Þá hefur LH tilkynnt um bann við notkun á mélum með tunguboga og vogarafli í keppni. Ákveðið að leggja ríka áherslu á gott eftirlit vegna þessa á mótinu.
  - Farandbikarar – rætt um hvort félagið ætti að fara aðrar leiðir en að notast við farandbikara. Ákv. að setja upp svæði í reiðhöllinni fyrir merkingar á sigurvegurum í hverjum flokki í stað farandbikara. Með þeim hætti verður vakin meiri athygli á sigurvegurum hverju sinni.
  - Bikar fyrir framúrskarandi reiðmennsku. Sprettarinn Sigurður Halldórsson hefur boðist til að gefa bikar sem yrði veittur Sprettsfélaga sem klæðist Sprettsbúningi í allri keppni á mótinu og þykir vera til fyrirmyndar hvað varðar þrúðmannlega reiðmennsku, klæðaburð og hirðingu hests. Hesturinn skal jafnframt vera í eigu Sprettsfélaga. Dómarar á mótinu yrðu fengnir til þess að framkvæma valið. Ákveðið að þiggja þessa gjöf Sigurðar og verður þetta framkvæmt í fyrsta skiptið á þessu móti.
7. Vallarmál. Farið yfir mál tengd keppnisvöllum en ákveðin vinna hefur staðið yfir vegna þeirra varðandi frágang og fleira. Markmiðið er að vellirnir verði klárir og fullfrágengnir nk. haust og heldur framkvæmdastjóri félagsins utanum verkefnið ásamt með vallarnefnd.

8. Keppnisbúningur/félagsbúningur. Linda gerði grein fyrir því að ekki næðist að klára félagsjakkana fyrir landsmót. Búið er að hafa samband við alla þá sem höfðu pantað sér jakka og gera þeim grein fyrir þessu. Ákveðið að nota bráðabrigðarlausn þar sem félagsmenn geta fengið Sprettsmerkið saumað í svarta jakka fyrir landsmótið. Þá gerði Kristín grein fyrir sölu á merktum softshell jökkum á WR-mótshelginni, en seldir voru 54 slíkir jakkar sem verða tilbúnir til afhendingar á gæðingamótinu næstu helgi.
9. Landsmótsnefnd – staðan. Maggi gerði grein fyrir fundi með nefndinni sem hann tók þátt í ásamt Brynju. Nefndin lagði fram ákveðnar óskir um aðkomu félagsins að stuðningi við þátttöku barna, unglinga og ungmenna. Ákveðið að Sprettur styrki börn, unglinga og ungmenni félagsins með greiðslu skráningagjalda á landsmótið og aðstöðu fyrir hrossin þeirra í nágrenni Hellu.
10. Metamótsnefnd – staðan. Nefndin hefur hafið undirbúning fyrir metamótið nk. haust. Linda gerði grein fyrir hugmyndum þeirra og helstu nýjungum sem einnig hafa verið kynntar á heimasíðu félagsins.
11. Fjáröflunarnefnd – staðan. Sigurður gerði grein fyrir hugmyndum nefndarinnar og stöðu verkefna sem kynnt voru á síðasta stjórnarfundum.
12. Reiðskóli á félagssvæði Spretts. Búið er að ganga frá öllum lausum endum varðandi samninga félagsins gagnvart reiðskólum á svæðinu í sumar.
13. Önnur mál.
  - Hannes greindi frá áhugasömum aðila sem vill skoða kaup á gamla félagshemili Andvara og breyta því í hesthús. Umræðu um málið frestað.
  - Linda og Kristín gerðu grein fyrir heiðrun Sprettsfélagsins Sigríðar Sörensdóttur (Sirrý) í tilefni af 90 ára afmælis hennar 31. maí nk. Þetta var framkvæmt í tengslum við kórreið Sprettskórsins sl. laugardag þar sem Sirrý var meðal reiðmanna.
  - Lárus gerði grein fyrir styrkveitingu frá Landsbankanum sem Sprettarinn Geirþrúður Geirsdóttir hafði veg og vanda að. Styrkveitingin upp á samtals 1 milljón króna var veitt í tengslum við WR mót Spretts og Gæðingamót Spretts. Félagið hefur þegar notað hluta af þessari styrkveitingu til kaupa á sjö tölum sem ætlaðar eru til notkunar á mótum félagsins. Þetta auðveldar vinnu og breytir miklu í tengslum við allt utanumhald vegna móta og á Geirþrúður þakkar skildar fyrir framgöngu sína fyrir hönd félagsins. Þá þakkar félagið Landsbankanum vel fyrir rausnarlega styrkveitingu.
  - Linda gerði grein fyrir umræðum frá formannafundi hestamannafélaga sem haldinn var í síðustu viku.
  - Linda gerði grein fyrir morgunverðarfundum með Rotary sem haldinn var í félagsaðstöðu Spretts.
  - Rætt um landsmót og möguleika Spretts á að halda slík mót í framtíðinni. Ákveðið að sækja formlega um til LH um að Landsmót 2018 verði haldið á félagssvæði Spretts.

Fleira ekki gert, fundi slitið kl. 20:00

Fundargerð ritaði Kristín Njálisdóttir